

# Сийрат дарслари (138-дарс). Набий алайҳиссалом танага нақш солиш татуировкадан қайтарғанлар



16:30 / 28.05.2021 2698

520. Абу Жуҳайфа розияллоҳу анҳудан ривоят қилинади:

«Набий соллаллоҳу алайҳи васаллам итнинг пулидан, қоннинг пулидан қайтарғанлар, вашм қилиш ва вашм қилдиришдан, рибо ейишдан ва уни едиришдан қайтарғанлар ва сураткашни лаънатлаганлар».

Бухорий ривоят қилган.

Изоҳ: «Вашм» деб танага игна ёки бошқа восита билан расм ёки сўзни ўйиб, хол қўйиш, нақш солиш (татуировка) тушунилади.

521. Ҳаким ибн Ҳизом розияллоҳу анҳудан ривоят қилинади:

«Набий соллаллоҳу алайҳи васалламдан: «Эй Аллоҳнинг Расули, бир киши келиб мендан ҳузуримда бўлмаган нарсани сотишимни сўрайди. Унга уни сотайми, сўнгра унга бозордан сотиб олиб бераман», дедим. **«Ўз ҳузурингда бўлмаган нарсани сотма!»** дедилар».

Абу Довуд, Термизий ва Насоий ривоят қилишган.

522. Абдуллоҳ ибн Амр розияллоҳу анҳумодан ривоят қилинади:

«Расууллоҳ соллаллоҳу алайҳи васаллам: «**Кишининг ўзи эга бўлмаган нарсани сотишига йўл йўқ**», дедилар».

Абу Довуд, Термизий ва Насоий ривоят қилишган.

**«Расууллоҳ соллаллоҳу алайҳи васаллам» китобидан**